

互相灌輸湛於呂孟周回可數十里曹單金城諸邑  
河濟故道滙爲渚澤雨水猥盛相挾而東湛於昭陽  
周回可數十里皆以一渠受之隄隄汜溢其勢然矣  
嘉靖乙丑飛雲之決朱大司空始於昭陽湖東開夏  
鎮新渠以漕而隄於湖之西岸以御河水出之秦溝  
至茶城乃與漕會漕渠自留城以下牐梁疏闊遊波  
稍緩有所休息三十年來漕無恙也萬曆己丑河溢  
茶城反灌漕渠舟膠不進乃徙運道於南改建內洪  
三牐伏秋雨發河水時至閉而不內保渠如城利在